

明

史

明史卷三百八十七

文苑傳

文苑二

林鴻字子羽福清人少任俠不羈讀書能強記所作詩專尚唐音洪武時以人才薦至京太祖臨軒試龍池孤雁二詩稱旨一日名動長安授將樂訓導居七年擢膳部員外郎鴻性脫略不善仕年未四十遽自免歸與閩縣周元鄭定侯官黃元王褒唐泰長樂高棟王恭陳亮永福王偁結為詩社號閩中十才子無錫浦源素善詩仕為晉王府引禮舍人聞鴻名千里往訪鴻誦其詩驚曰此我家詩也遂延入社避所居

舍之源卒成名人周元字微之與黃元俱鴻門人時
稱二元永樂中以文學徵授祠部員外郎黃元字元
之本將樂人鴻割舉將樂元以諸生在門下及鴻旋
里遂挈家依鴻居侯官以歲貢生終泉州判樂自後
閩人稱詩成祖鴻

高棟字彥恢後改名廷禮博學工屬文尤雄于詩雖
談笑揮毫而精思力摹者弗能及閩自林鴻力追唐
音其徒周元黃元佐之而棟與王恭頴頴其間故閩
中推詩人必以五人並稱永樂四年偕恭被薦入京
授翰林待詔踰九年始進本院典籍棟兼工書画居

宣二十一年祿懷高簡善飲酒喜談詠接人無賢愚新
故盡然若一以二十一年二月卒于官年七十四所
輯唐詩品彙唐詩正聲並行于世

王恭字安中善為詩獲筆千言立就環閨皆山而恭
家故貧則為樵往來群山中故自號皆山樵者既被
徵年六十餘矣與修永樂大典同郡王偁戲之曰君
無似會稽章緩故來耶恭笑謝曰山中柯斧幸自無
恙君無深誚我為矣大典成試詩高等授翰林典藉
無何即告歸著詩數十卷佚不盡傳

王偁字孟敷父翰常仕元抗節死偁方九歲父友吳

海撫而教之洪武中領鄉薦入國學陳情養母母泣
居喪柴毀廬墓六年永樂初用薦授翰林簡討與修
大典時內外儒臣及四方韋布預纂緝者數千人惟
倂學博才雄最為解綰所重倂亦高自負目無倂輩
以故為同列所忌顧獨推讓錢塘王洪不敢以雁行
進洪亦恃才矜傲與倂相得于時詞館有四王之稱
謂倂洪及王恭王褒也倂後坐累謫徙交趾復以解
綰事連及逮繫死獄中洪字希範八歲能文十八舉
進士授吏科給事中改翰林簡討與修大典歷修撰
侍講帝頒佛曲于塞外命洪為序遠巡不敢應詔為

同列所排自是不復進用卒官

王褒字中善孝友重氣誼洪武中歷瑞州長沙兩學教授遷永豐知縣均徭課士墾為災禱城隍而臻大
宗時召修永樂大典授漢府紀善卒于官唐泰字亨
仲舉洪武中進士官至陝西按察副使鄭定見陳友
定傳陳亮見隱逸傳

瞿佑字宗吉錢塘人也元季楊維禎遊杭訪佑從祖
士衡佑時年十四見維禎香奩八題即席倚和俊語
疊出維禎大嗟賞同邑凌雲翰佑大父行也嘗作梅
詞柳詞各百首號梅柳爭春佑方年少一日並和之

遂有盛名洪武中用薦授仁和訓導歷臨安教諭周
府右長史永樂時坐事下詔徵編管保安者十年嘗
值元宵作望江南五首聞者多為泣下洪熙改元英
國公張輔為請得放還遂館輔家塾歸卒于家年八
十七佑風情虎逸嘗作剪燈新話及樂府歌詞盛為
時俗所傳又有春秋貫珠圖史管見存齋詩集並行
于世

錫績字世熙其先洛陽人父煥有學行元至正時御
史舉為三茅書院小長道梗不能赴遂家浙之山陰
績好學工詩與鄉人唐之淳毛鉉蔡庸齊名時稱唐

錫毛蔡教授鄉里不干仕進家貧轉徙無常處所至
署榜貴文有所得輒市酒飲客緣手而罄嘗有客至
呼名久不出怪之其妻方拾破紙代薪一笑而已家
有西江草堂人稱為西江先生著嵩陽稿詩律及霏
雪錄子師邵亦篤志經史嘗遊京師徐有貞諸人爭
欲推薦力辭歸教授弟子知名者甚衆績從兄恕嘉
古文及篆隸章草洪武時為福建驛丞亦歸隱越中
銓字昂臣受業于唐肅洪武中從成閩中安貧守道
王帥重之薦為官國子學錄庸字惟中布衣績同邑
以文學稱者又有王瑄鄭嘉李勗羅頎張璩胡粹中

之屬誼字內故嘗坐累遣戍遠東守帥賓禮之使教
諸生宣德初侍詔翰林預修國史以壽考終予姑工
部右侍郎嘉字元亨篤行好古母病嘗羹水糲不訖
枕鄉人稱柿莊先生焉字文勉卓犖不羈好與文士
遊鄉先生錫績王誼鄭嘉語之曰爾欲交吾輩須讀
書乃可感悟力學遂成名儒時稱錫王鄭李頌字儀
父祖絃伯父周並有文行頌教篤古道書無所不窺
所著梅山叢書至二百餘卷璣字蒞之寄從羅絃游
經史過日不忘為詩文操筆立就性孝友父跛不能
行背負終身弟痴甚養之至老人以篤行稱之粹中

名由以字行洪武時聘為儒學訓導永樂初為楚府右長史居王府二十年悉心輔導及卒府中人皆流涕著漢史筆記元史續編行世

薛大年字壽卿臨川人也父同文洪武中第進士歷翰林侍書中書舍人燕王入京師同文迎謁道賜死死後五月而大年生母胡氏撫之成立博學善詩古文崑山葉盛稱其詩謂三十年来絕唱也書得歐陽率更筆意宣德末薦授仁和訓導監司大吏及達官類人道其地者莫不禮重之事母至孝母卒歸塋哀感行路里人到其母子賢行上之有司詔旌其門服

開分教常州尋遷仁和教諭諸生並習其教多所造
就每秋試考文諸藩勝幣交至多以不得為恨景泰
六年薦入翰林預編纂未幾得疾遂不起有詩文集
四十卷始尚書王直以詩寄錢塘戴文進索画自序
昔與文進交時嘗戲作一聯至是十年而始成之
年題其後曰公愛文進之画十年而不忘也使以是
心待天下賢者天下寧復有遺賢哉直聞其言亦不
能薦也及大年疾篤作詩貽直有鏡中白髮誰憐我
湖上青山欲待誰句直曰此欲吾志其墓也遂為之
志時人共服其雅量云

湯僧勣字公讓東甌王和魯孫也有俊才讀書一目
成誦能詩負氣好談天下事與人語不合輒罵辱之
甚者奮拳搏擊以技人皆服其才而惡其行嘗游江
陰見其令不惠于民即率少年直上聽事反縛之狀
其罪送上官上官大駭并收下獄居數歲遇赦得釋
巡撫周忱慮其生事送補應天諸生甫七日忤尹為
所笞僧勣走出學門題詩扉上遂棄諸生游江湖景
泰初詔求將才忱以僧勣應驛召入都試于兵部尚
書于謙咨以古今將略及諸史中事僧勣應答如流
謙大稱異言于朝命授錦衣百戶會方擇人使巡北

即擢千戶副楊善趙榮偕行既抵可汗脫脫不花時
問中朝事榮對稍遲偕勅檄對甚悉時翼路岸憤
以示無懼諸酋亦異之居二年尚書胡濙等應詔舉
偕勅將材詔送京營試用尋擢忠義前衛署指揮僉
事時瓦剌已講好塞上久息兵而諸將又忌偕勅才
不令治事鬱鬱無所見乃放意詩酒間日與詞人劉
溥王維華唱酬為樂京師號十才子天順中錦衣偵
事者撫偕勅舊過以聞下詔撤落職為民荷杖出都
門故人唁之仰天大笑曰予以一指揮為足榮湯生
耶掉頭去不顧憲宗立復故官成化三年以薦擢署

都指揮僉事為延綏東路右叅將分守孤山堡孤山
最當賊衝又無城郭賊歲數入率得利守將點摘相
理僉劾奉詔嘆曰噫吾死矣既至草奏數千言請築
城聚糧增壯士戍守未報賊大至僉方病力疾上
馬率指揮趙昊等禦之陷伏遇害昊走還事聞贈祭
如制

劉濤字原博長洲人祖彥敬事成祖于潛卽為良醫
父士賓太醫院判濤少敏悟八歲賦溝水詩云門前
一溝水日夜向東流借問歸何處滄溟是盡頭一時
目為聖童長侍祖父游學兩京所萃載籍兼通天文

曆數之學有志用世宣德初以文學徵有言其善醫
者授惠民局副使非其好也正統末京師牛產子五足
一生于項蹄上出溥占之曰此小人在上四裔侵陵
之象也尋有土木之變言者交薦不報用久次調太
醫院吏日益不得志其醫通內外科然耻以自名日
惟吟咏為事風致高遠善接納雅俗無所擇廣座中
談辨風生聽者盡傾其詩初學西崑後更奇縱悲歡
憤嘆一寓于詩與同時詩人湯潛劬蘇平蘇正沈愚
王淮晏鐸鄒亮蔣忠王貞慶號稱景泰十才子而溥
為之盟主潛劬尤自豪不可一世然遇溥輒俯首屈

服所著有草窻上下集

蘇平字東衡弟正字東貞海寧人平幼作綉鞋詩人呼為蘇綉鞋永樂中舉賢良方正不就與正客游京師盛有時譽兄弟並以布衣終

沈愚字通理寬山人博涉百氏善行草曉音律詩餘樂府傳播人口或勸之仕曰吾非籠絏中物也業醫授徒以終其身有貧賴吳音二集弟魯亦以文學稱王淮字伯源慈谿人長身美髯淹貫群籍嘗與湯翁勸遇于湖州之慈感寺兩人並負才自矜對語移日不相下及徵青陵臺事各得其二淮掀髯曰君止是

乎復舉其一歷歷口誦無所遺猶勦大嘆服語太守
岳璩曰此真行秘書也好作長歌下筆輒數十韻造
語奇麗擅名江淮間所著有大塊集

晏鐸字振之富順人永樂十六年進士由庶吉士授
御史歷按兩畿山東所在有聲坐言事謫上高典史
鄰境寇發官兵不能討鐸承檄捕滅之歸所掠于民
居常好吟咏有青雲集又註孝經小學及參同契陰
符經諸書

鄒亮字克明長洲人善為文援毫無停思然少輕俠
無行嘗薄游為人所擊巡撫周忱愛其才訓誡之遂

折節請書有時名正統初知府况鍾薦之權吏部司
務遷監察御史嘗與湯循勅諸人並集循勅豪視一
世亮每氣凌之已而相折又相好也與劉溥同里詩
極為溥所推有激芳諸集二十餘卷弟順辰州知府
亦能詩同時徐震字德重家洞庭世好文墨至震與
兄章並能詩自相倡和或曰震亦十才子之一也久
之謝賓客歸隱山中焚香下帷雖隣里無行跡家故
高肯有以田宅售者必過其直恐其乏食時或還之
翰林王鏊與之隣重其操執每過必竟日孫緒官吏

部侍郎

蔣忠字主忠儀真人從句容祖宮見前傳父用文有
學行官太醫院判受知太宗仁宗浚贈院使謚恭靖
忠與其兄主孝並有詩名時劉革憲溥沈崧惻愚蘇
雪溪平王金粟貞慶輩為詩社忠兄弟並與其列忠
所著有慎齋稿金陵記勝蹟類小稿詩法鈞玄及脉
訣本義諸書主孝所著有樵林摘稿

王貞慶字善甫駙馬都尉寧之子也寧在戚里中以
文雅著貞慶尤折節好士有詩名景泰間十才子貞
慶其一也時稱金粟公子

張雄字豫源吳縣人少試有司一不利即棄去家貧

落魄而天才豪縱頃刻千百言見者辟易合肥徐誌
以詩自負憫然謂吳無人衆中自誇蘇臺覽古之作
人莫能屈淮破衣垢帽援筆力和二章舒出意表聽
喋不敢復言明日遁去嘗飲一富人家值牡丹盛開
主人謂曰子能用中峯梅花詩韻賦百篇乎淮曰能
信筆成五十首笑曰詩腸枯矣速取酒沃之日未昃
竟成百首及迴文一首衆驚為神性嗜酒朝暮不離
杯酌一日沉醉墮水死時有陳體方者亦吳人嗜酒
家酷貧有索詩者但醉之以酒置筆硯其旁惟所命
數篇並奏或口占疾書不給恒自謂鄙生非狂必我

也者乃真狂耳嘗于酒所春一妓請詩百篇當就之
賦至六十餘卒為所絀將死頭揮野花有興適逢田
間且歌且飲狂醉三日而死予紹亦嗜酒工詩有父
風名亞于淮晚歲無家恒寓僧寺竟以醉死

張泰字亨父吳鉞字所儀並崑山人天順八年鉞舉
會試第一殿試第二入翰林為編修泰亦同舉進士
為庶吉士兩人並擅才情相倡酬為詩名籍甚泰為
人坦率絕去嵯岬然憤世嫉邪酒酣談及當世不平
事輒激烈奮發鉞性沉靜矜嚴自持人罕當其意者
孝宗在東宮鉞以修撰充講官暨即位累遷太常少

卿兼翰林侍讀直經筵遇疾乞歸卒于家泰歷檢討
修撰先歿卒李東陽嘗曰亨父昂儀少同硯席未第
時已有詩名亨父天才敏絕而好為精鍊奇思硬語
間見疊出人莫撓其鋒昂儀意識超詣凌高徑趨擺
落塵俗雖或矯枉過正弗恤也兩人者天假之年其
所成就不知當居何等而皆不壽以死不亦重可惜
哉其為名人嗟悼如此泰詩曰滄洲集載詩曰春雨
堂集

張弼字汝弼松江華亭人成化二年進士授兵部主
事進員外郎志操耿耿出為南安知府地當兩廣要

衝大山長谷奸人嘯聚為患悉捕滅之役重民瘼力
為均節以時治橋梁道路而毀淫祠百數十區建為
社學且祀先哲之常泚茲土者風教大興及謝病歸
士民為立祠致祀彌自幼穎拔善詩文尤工草書怪
偉跌宕震撼一世張東海之名遂流播外裔為詩信
手縱筆多不屬稿即有所屬以書故輒為人持去與
李東陽謝鐸諸人善嘗自言吾生平書不如詩詩不
如文東陽戲之曰此英雄欺人語也鐸稱其好學老
且不倦詩若文成一家言有鶴城東海諸稿子弘至
自有傳

張琦字君圭，鄆人。年十二，能詩，常手古人詩一卷，其父見之，怒，換諸泥濘中。琦徐拾取，夜讀之。家貧，授徒。他鄉每讀至夜分稍倦，則與其徒取水，喫而使神氣復揚，乃更讀。其勵志若此。弘治十二年，舉進士。年已踰父矣。授南京大理評事。歷寺副寺。正平反多，出為興化知府。政尚簡易，喜以儒術飾吏治。有古循良風。琦技好為詩，恆心刻脩務，去陳言。及是，政暇猶吟咏不廢。為郡人林俊所重，時相倡酬。每登臨山水，輒題詩岩壁。人號為文章太守。課績為一時冠。以年漸高，且雅不喜吏事，遂乞骸骨。乃遣左叅政致仕。林居十

二年詩律益工有白齋集竹里館集行世

戴冠字章甫長洲人好古篤學自經史外方術百家
莫不綜貫而抉剔必求緣起而會之以理為文章奮
迅凌轢務出人意表詩亦清虎多諷刺名籍籍諸生
間下視曹耦莫有當其意者以故人多忌而毀之志
在經世自其少時即上書有司請毀淫祠及壯並殫
心世務尚書王恕來巡撫特加愛重每召見輒款語
移時弘治初冠以年資貢入都恕方掌吏部一見驚
曰予尚滯諸生耶因訪當今切務冠條上十事皆剴
切語李東陽愛其文欲薦之不果及廷試名列第一

然例止得教官授紹興府學訓導考論著述不少急
初冠為諸生有紹興人來為督學御史頗以文章自
負而冠竊有所指摘御史聞而銜之及是御史里居
邂逅冠語不相下無何御史卒其家誣冠致之遂落
職歸冠學博才高迄不獲遇年七十餘疾篤嘆曰天
夢夢乎世汨汨乎已乎已乎豪傑廢死乎遂卒所著
有經學啓蒙禮記辨疑奇字音釋濯纓文集筆記戴
子諸書凡數百卷

秦悅字民懌常熟人資穎敏書過目輒焚棄曰已在
吾腹中矣敢為大言銓次古人以孟子自況或問翰

林文章曰虛無人舉天下惟悅其次祝允明又次羅
玘為諸生上謁監司書刺曰江南才子監司大駭已
問知其人延之較書預刊落以試悅校至文義不屬
即索筆補書監司乃加禮異年十九舉成化元年鄉
試會試答策有胸中有長劍一日幾回磨之語遂被
斥再試禮部奇其文至道統論則曰夫子傳之我昨
舌曰得非江南狂生桑悅耶復斥不取三試得一榜
年二十六藉誤以二為六例當得學官固辭不許除
泰和訓導學士丘濬慕其名召令觀所為文始曰出
某某悅心知之笑曰明公謂悅不怯穢乎何得若文

而令悅觀濬聞內慙亦不忤也悅既之官濬屬提舉
使者善遇之使者至問悅何故不迎豈有恙乎長吏
素遭狎侮皆啣之曰無恙自負不肯來使者遣吏往
召之曰淫雨連宵傳舍且圯守妻子不暇何暇謁上
官使者坐久益兩使促之悅怒曰始吾謂天下未有
無耳者乃今有之與若期三日後來復則不來矣使
者恚欲收之緣濬故不果既三日悅果來則長揖就
列使者怒厲色訶之悅前曰昔汲長孺不拜大將軍
至今兩賢之明公奈何薄待寥廓之士因脫帽竟去
使者不得已下堦留之巡按御史行部召悅說詩請

坐講講未竟卽除襪起足御史不能堪乃令之出尋
薦之遷長沙通判調柳州不欲行人問之曰宗元久
擅此州名不忍遽往奪之耳會外艱歸遂不出居家
並任誕鄉人莫不重其文而駭其行初悅在京師見
高麗使臣市本朝兩都賦無有竊以爲恥遂賦之居長
沙著庸言自以爲窮究天人之際非儒者所知也所
著詩文頗行于世

楊循吉字君謙吳縣人成化二十年進士授禮部主
事善病好讀書每得意則手足踣掉不自禁以是得
顛主事名一歲中數移病不出爲長官所訶弘治初

奏乞改教不許遂請致仕歸年纔三十有一結廬支
硯山下課讀經史非精熟不止旁及內典釋官無所
不通曉性狷隘好持人短長又好以學問窮人至類
赤不顧清寧宮災詔求直言馳疏請復建文帝尊號
格不行父母既沒傾貲治墳寢苦墳側每歲率持齋
誦經百日以報武宗蹕南都覓南人善詞曲者伶人
以循吉對立召至命賦打虎曲稱旨遂易武人裝日
侍御前為樂府小令然帝以優俳畜之不授官循吉
以為耻閏九月懇辭獲歸既後召至京會帝崩乃還
嘉靖中獻九廟頌及華陽求嗣齋儀報聞而已晚歲

落窠益堅癖自好尚書顧璘道吳以一幣為贄相與
促膝論文歡如也俄郡守邀璘璘將赴之循吉忽色
變驅之出曰楚人安得與貴人爭客擲還其幣明日
璘往謝罪堅閉門不應其性情兀傲如此卒年八十
九循吉壯歲辭官人高其節南都之役顧為清論所
譏然好古博洽一時鮮儔其詩文自定為松籌堂集
他所作又十餘種幾及千卷

徐霖字子仁南京人也七歲能詩九歲能作大字時
號奇童十四補諸生聞譽益起督學御史戴珊司馬
聖威嘆為奇才然性任放不諧俗竟為忌者所中被

點乃嘆曰已矣士固能自貴寧當在青紫哉自是益
博覽為文必以理勝精研六書嘗得篆法于異人李
東陽見之曰此周伯溫之流吾不及也築快園于城
東極游觀聲伎之樂善製小令填南北詞棋酒之暇
命伶童侍女被之新聲盛傳都下武宗南巡優人進
其詞翰命召見試除夕詩百韻及應制詞曲皆立就
雅俗雜陳語多譎諫帝數稱善嘗午夜乘月幸其家
夫婦蒼黃出拜帝命置酒家無供具以蔬笋鮭菜進
御帝大喜為引滿酣暢而去已而數幸其家御晚靜
聞垂釣得一金魚宦官爭買之帝大笑失足落池中

衣盡濕快園中有宸幸堂浴龍池紀其實也賜飛魚
服尾從還京每夕宿御榻左右將授官固辭會帝晏
駕而罷歸里二十餘年乃卒年七十有七霖少時嘗
與吳門沈周游江夏吳偉因寫沈徐二高士行樂圖
而楊循吉祝允明並為之贊其為名人欣慕如此所
著有中原音韻註釋續書史會編麗藻堂文集快園
詩文類選南京志諸書當霖之時南都人以文學著
者又有陳鐸金琮謝璠

陳鐸字大聲睢寧伯文之曾孫都督政之孫也本下
邳人以世官家南京鐸嗣為指揮家世尚武而鐸獨

好讀書經傳子史百家衆說莫不淹貫為人風流個
儻善詩尤工詞曲居第南有秋碧軒七一居精潔絕
塵通人勝流時過談讌山水做沈周題詩其上人爭
愛之有香月亭集

金琮字元玉工詩善書為人高簡粹白公卿貴人非
先施不造其門鄉人倪岳為南京兵部尚書擬薦之
不果以弘治十五年卒其書初學趙子昂晚更學張
伯雨精工可愛文徵明極喜之得片紙裝潢成卷題
曰積玉其後盛時泰彙琮及忠詩稱為金陵二隱
謝璿字子象後更名承舉八歲賦暮秋詩有紫塞風

寒雁叫霜句聞者驚異後儲巖為南考功結檀園詩
社引為忘年交學日深博高談雄辨常屈其座人及
久困場屋退耕國門之南自號野金子有采毫東村
西游諸稿鄉人顧璘志其墓言金陵有二才子以璿
與徐霖並稱云子少南字應午舉進士歷御史世宗
南巡道虔都少南言縣中有堯母墓當祠世宗喜從
之會簡宮僚即用為春坊司直兼翰林簡討久之陞
台州推官累遷陝西提學副使終布政使亦能詩
祝允明字希哲長洲人祖顥舉正統四年進士有內
侍承旨蔡進士有文者四人試以詩俾教小內監顥

與馬既入掖門知之不試而出由給事中歷山西叅
議叅政並有聲允明登弘治五年鄉薦久之不第授
廣東興寧知縣士不知學好機祥允明簡進秀異親
授以經學俗為稍變群盜據山行剽設方畧捕殺其
魁三十餘輩邑以無驚稍遷應天通判謝病歸家居
五年卒年六十有七嘉靖五年十二月也允明生而
杖指故自號杖山又號杖指生五歲能作徑尺字九
歲能詩稍長博覽群籍為文章帶有奇氣或當筵詆
笑援毫疾書思若泉湧尤工書法魏晉六朝及唐宋
諸名家無不精詣遂名動海內其為人好酒色六博

善度新聲間傳粉墨登場作劇群優自謂弗如也四方求文及書者踵至率辭不見伺其狎游賄妓掩之則累紙可得玩世自放惡近禮法之儒亦不問生產有所入輒召客歡呼豪飲資盡乃已或分與持去不留一錢當其窘乏時黠者或持少銀米丐文若書輒應之已少饒更自賁也既益困瘁每出則追呼索逋者相隨于道更用為歡笑賢所著有詩文集六十卷他雜著又百餘卷予續第正德六年進士仕至廣西左布政使

唐寅字伯虎一字子畏吳縣人性絕穎利與所善張

靈縱酒放懷不事諸生業其友視允明規之乃僅戶
討肄者浹歲遂舉弘治十一年鄉試第一座主梁儲
奇其文還朝以示學士程敏政敏政亦奇之遂與相
往還及儲奉使南行寅乞敏政文以餞先是有徐經
者江陰富家子慕寅名與同入都適敏政總裁會試
經賄其家僮得試題事頗章露有忌敏政者發之語
連寅下詔獄鞠訊寅不承竟坐乞文事謫為吏寅恥
不就歸家益放浪自棄縱情詩酒後緣小故去其妻
愈不自聊然寅雖家無擔石客座常滿文章風采照
映江左盡入神品自署其章曰江南第一風流才子

寧王宸濠聞其名以厚幣聘之寅察其有異志佯狂
使酒至露其醜穢宸濠不能堪乃放還築室桃花塢
與客日般飲其中年五十四而卒寅之學務研究造
化探律曆及邵氏聲音之理旁及壬遁太乙諸數亦
皆通曉詩文初尚才情晚不甚措意頽然自放謂後
人知我不在此論者傷之張璠字夢晉為諸生詩才
敏捷嗜酒縱放其狂更甚于寅為提學御史方誌所
點卒因阮以死

都穆字元敬吳縣人七歲能詩及長不事章句泛濫
群籍教授他鄉者幾二十年里人吳寬言之提學御

史乃得為諸生尋第弘治十二年進士授工部都水主事父憂服闋仍故官分理上供器皿匹馬入廨携米蔬自隨工人掘地得金命貯之庫據有私請者斥曰若曹安得污我正德改元移南京武庫主事越五年還官工部進虞衡員外郎遷禮部主客郎中出使秦中還即疏請致仕廷議重其恬退加太僕少卿歸歸十四年卒穆性嗜學歸休之日齋居蕭然日事筆討或時之食輒笑曰天壤間當不令都生餓死也里中有娶婦者夜大風雨滅燭備乞火不得或言南濠都少卿家有讀書燈往叩果然其老而好學如此生

平著述甚富。有周易考異、史外類抄、南濠詩略、文略、諸書穆少與唐寅友善。寅之禍，穆與有力焉。故寅誓不與相見。吳中人士亦以是薄之。

鄭善夫字繼之，閩縣人。弘治十八年進士，連遭內外艱。正德六年始為戶部三事權稅浙墅，以清操聞時。劉瑾難誅，璧倖用事，善夫憤之，乃告歸築草堂金鰲峰下，為遲清亭讀書。其中曰俟天下之清也。岩居六載，交遊寡絕。日晏未炊，欣然自得。有司勸駕乃起，為禮部祠祭主事。進員外郎。武宗將南巡，偕同列切諫，杖于廷，罰跪五日。善夫更為疏草置懷中，屬其僕曰：

死即上之幸不死嘆曰時事若此尚可醜顏就列哉
乞歸未得明年力請乃得歸嘉靖改元用薦起南京
刑部郎中未上改吏部行抵建寧便道游武夷深入
九曲值風雪絕糧遂得病卒年三十有九為人矜名
殺行婚嫁七弟妹皆業悉推予之葬母黨二十二人
所交游盡天下名士虛懷善下故人皆愛而親之與
孫一元殷雲霄方豪尤友善作詩力摹少陵疾時汙
濁故多悲憤語性好名山水竟以是隕有詩文集十
卷

殷雲霄字近夫壽張人善夫同年進士既釋褐歸作

蒿艾堂聚書數千卷旦夕誦誦以作者自命正德六年始謁選歷知靖江青田二縣有能聲徵授南京工科給事中十一年武宗納有娠女子馬姓于宮中雲霄偕同官疏諫曰聞陛下納馬昂有娠之妹官昂為都督取其兄弟數人隨侍宸游竊考前代壞國家生禍亂其端非一而內寵恩倖為甚今閭閻之家尚不娶有娠之女况陛下貴為天子何取于昂妹而寵樂之夫女之不德雖以蔽聰欲之不防實以召釁詩云赫赫宗周褒姒滅之蓋傷其以天下之大而壞于一婦人也昔李園進有娠之妹于楚考烈呂不韋進有

娠之妾于秦莊襄二國遂至易姓天下後世未嘗不
痛恨于二主之不察也陛下久無儲嗣天下所憂而
昂敢以己適人之妹進罪不容誅不早絕之何以解
萬姓之惑伏願亟出昂妹速正昂典刑宗社幸甚不
報其年七月卒于官年三十有七為人方峭有立鄉
人穆孔暉雅稱篤行見雲霄猶畏之曰殷子之取不
善不啻負穢生平好作詩略近善夫而風調避之有
擬古樂府四百篇其葬也會者千人咸哭失聲
方豪字思道開化人正德三年進士除崑山知縣歲
大潦郭門外皆成巨浸民盡逃死不能供徭賦豪解

帶自繫郡獄上奏乞蠲征獲報可十四年以刑部主
事諫武宗南巡跪闕下五日復杖之歷湖廣僉事副
使罷歸豪負才磊落曠達不羈探奇歷勝與鄭善夫
同好歸隱棠川以詩酒自娛有詩文集行世

陳沂字魯南鄆人家南京父綱由舉人歷黔陽知縣
長少通判並有異政沂五歲能屬對八歲能摹古人
畫十歲能詩十二工舉子業語輒驚人嘗作孔墨辨
赤寶山賦傳誦人口名籍籍諸生間尚書劉忠喬字
侍部儲曜郎中莊祖先後官南都皆引為忘年交至
正德十二年登第年已及艾矣歷庶吉士編修與修

武宗實錄嘉靖初直講經筵時以議禮故廷臣多獲
重譴沂一日講畢進規云望陛下量容天地俾無知
者均沾化育有罪者並荷包容帝為悚聽問輔臣知
其名心識之及張璁桂萼用事盡斥詞臣為外僚沂
得江西右叅議有能聲遷山東左叅政按視沂莒滕
費諸州縣察其災傷為發帑市牛給民墾藝寬其租
又捐除種馬運木諸徭民獲蘇息初在江西遇桂萼
罷政歸曰恨不留公講筵沂曰內外孰非王臣沂視
議禮遠戍諸人已為叨竊倘得因公敬還諸人是即
公之歸沂也及在山東遇張璁于德州深為慰勞且

曰行當召公沂謝曰齊民困甚苟行沂恤災䟽勝沂
受德也兩人皆不悅故吏部頻推河南福建布政使
並却不用稍遣山西行太僕卿再䟽丐歸築遂初園
杜門著書絕意世務沂書學東坡旁及篆隸繪事咸
稱能品其論詩尚以唐人為宗於時大江南北推朱
顧陳王四大家謂朱應登顧璘王韋及沂也應登璘
羽翼李夢陽共立壇坫沂與韋獨不隨聲附和識者
稱之卒于嘉靖十六年所著詩文曰拘虛集其他纂
輯又十餘種繼室馬氏亦能詩年八十猶不廢吟咏
書顧類沂兼善山水其詩曰芷居集

王韋字欽佩上元人陝西叅議薇子也早稟庭訓有
器識莆田林俊泰州儲巖官南京並愛重之與同里
顧璘陳沂友善相切劘為詩古文詩愛唐風意興蕭
遠士林往往傳其警語舉弘治十八年進士改庶吉
士以父年高乞便養授南京吏部考功主事從弟為
國子生試政欲言文選求閒曹正色曰安有身在銓
司為昆弟擇便利乎其執節耿介若此父喪除起兵
部車駕主事歷禮部儀制郎中並在南京部與國舉
相關事多姑息韋為舉正舊章嚴其約束雖群議譴
竊不恤也出為河南提學副使以養母乞致仕乃擢

南京太僕少卿朱幾母歿，韋適抱病，爰必慟絕水漿，不御者數日，遂歿。頃而卒，顧璘有言，欽佩論詩，尚才情。其言曰：唐風既成，詩自為格，不與雅頌同趣。漢魏襲于雅頌，唐體沿于國風。雅言多盡，風詞則微。今以雅文為近體，未有不流于宋也。故其詩婉麗多致，雋永難窮。韋未第時，夢中聞人咏詩云：起來小步傍蘭燈，花露襲衣寒氣重。後館選出，春陰題入此二語。內閣李東陽批其卷曰：此二語似有神助，遂獲選。子文元亦能詩，兼工書畫。韋嘗曰：生兒貴佳，不必仕宦。故文元長于詩藻，不能應科目。

楊慎字用修新都人少師廷和子也年二十舉正德二年鄉試又四年舉會試第二殿試第一授翰林修撰丁繼母憂服闋起故官十二年八月武宗徵行始出居庸關慎抗疏切諫尋移疾歸世宗嗣位起充經筵講官常講舜典言聖人設贖刑乃施于小過俾民自新若元惡大奸無可贖之理時巨奄張銳于經既論死或言進金銀獲宥故及之嘉靖三年帝納桂萼張璁言召為翰林學士至六月二人排廷議益力慎偕廷到三十六人上言臣等與萼輩學術不同議論亦異臣等所執者程頤朱熹之說也萼輩所執者冷

張氏猶之餘也。今陛下既超擢華輩，不以臣等言為是。臣等不能與之同列，願賜罷斥。帝怒切責，停俸有差。踰月，又偕學士豐熙等疏諫，既不得命，則偕廷臣伏左順門力爭。帝震怒，命執首事八人下詔獄。于是慎及檢討王元正撼門大哭，衆皆哭聲徹殿庭。帝益怒，悉下詔獄。廷杖之，閏十日有言。前此朝罷，群臣已散。慎元正及給事中劉漢安、磐、張漢卿、張原、御史王時柯、寶、糾、衆伏哭，乃再杖七人于廷。慎元正濟並謫戍，餘削籍。慎得雲南永昌衛。先是，廷和當國，盡斥錦衣、胥監官。至是，伺諸逮將害慎，慎知而謹備之。至臨

清始散去病馳萬里憊甚巡撫黃哀復促之抵戍所
幾不起五年聞廷和疾匹馬間道至家廷和喜疾愈
既還永昌聞尋甸賊安銓武定賊鳳朝文作亂攻掠
城堡愾然曰此吾效命之秋也乃率僮奴及步騎百
餘馳赴木密所與副使張我謀固守明日賊來攻寧
州土舍陸紹先援兵亦至慎促城中出兵夾擊賊乃
敗去八年聞廷和訃奔告巡撫歐陽重請于朝獲歸
葬葬訖復還自是或歸蜀或居雲南會城或留戍所
大吏咸善視之及年七十還蜀有終焉之意巡撫王
嵩聞之遣四指揮手銀鍤命鎖之以來至則嵩已去

官慎非久亦卒嘉靖三十八年七月也年七十有二
慎幼而警敏書寫目弗忘十一歲能詩十二擬作古
戰場文遇秦論長老驚異入京賦黃葉詩李東陽見
而嗟賞令受業門下後就督學副使劉丙試丙大驚
曰吾不能如歐陽公乃得子如蘇軾既居館中一日
武宗下問欽天監及翰林星有汪張又作汪張是何
星也衆不能對慎曰柳星也歷援周禮史記漢書以
復預修武宗實錄事必直書總裁蔣冕費宏曰官階
雖未及實堪副總裁盡付藁草俾削定常奉使過鎮
江獨楊一清閱所藏書叩以疑義一清言皆成誦慎

驚異益肆力古學既投荒多暇書無所不覽嘗語人
曰資性不足恃日新德業當自學問中來故好學窮
理老而彌篤世宗以議禮故惡其父子特甚每問慎
作何狀聞臣以老病對乃稍解慎聞之益縱酒自放
嘗以胡粉傅面作双丫髻挿花令諸妓擁之游行城
市諸土酋慕其名用精白綾作襪畀諸妓服之酒闌
乞書醉墨淋漓諸酋輒購歸裝潢成卷慎聞之亦不
惡也或乘間規之荅言文有伏羲生情詩或託物起
興如崔延伯每臨陣召田僧超為壯士歌宋子京修
史使麗監難如椽燭或一道也吾豈能執鞭古人聊

以耗壯心遺餘年所謂老顛欲裂風景也知者聞而
傷之其記誦之博著作之富明興推為第一詩文外
稊著至一百餘種並行于世隆慶初贈光祿少卿天
啓中進諡文憲元正塾屋人慎同年進士隆慶時亦
贈官賜恤同時張舍字用光永昌人父志淳舉鄉試
第一成進士歷官戶部右侍郎舍舉正德中鄉試第
今年十六亦舉鄉試第一成進士歷官湖廣按察副
使永昌故少文人而張氏父子用文章特起遂為郡
中名族舍少隨父宦遊京師與慎同學嘗贈慎二詩
慎父廷和見之大稱賞後師事李夢陽友何景明受

其詩法及慎謫永昌日與倡酬其生平知契白首不
違者惟慎一人而已年八十餘終其禺山詩選禺山
七言律鈔皆慎為點定云

王廷陳字穉欽黃岡人父濟吏部郎中廷陳穎慧絕
人幼綴文不假師授好黏竿風鳶諸戲父扶之輒大
呼曰大人奈何虐天下名士正德十二年釋褐選為
庶吉士益恃才放恣故事兩學士為館師體嚴重廷
陳伺其退食獨上樹杪大聲叫呼兩學士無如之何
佯弗聞也武宗下詔南巡與同館舒芬等七人將疏
諫館師石瑄力止之廷陳賦烏母謠大書于壁以刺

瑤及執政皆不悅已而疏上帝怒罰跪五日杖于廷
時已遷吏科給事中乃出為裕州知州廷陳既不習
為吏又失職怨望簿牒堆案漫不省視晝日則裸跣
坐堂皇見飛鳥集庭樹輒止訟者取彈彈之民有罪
當杖令輸彈九二十即免居恒無所發憤遇因撈掠
過當上官行部不出迎亦不託病曰是皆盲子足當
王生迎耶已而布政使陳鳳梧及巡按御史喻茂堅
先後至裕廷陳以鳳梧乃座主特出迓鳳梧好謂曰
予候我固善御史即來候之當倍謹廷陳諾之及茂
堅止銜其素驕蹇有意裁抑之輒以小過撈州吏廷

陳為跪請茂堅故益甚廷陳怒大罵曰陳公誤我直
上堂搏茂堅悉呼吏卒出鎖其門禁絕供億且將其
奏茂堅大窘賴鳳梧為解乃夜馳去尋上疏劾之適
裕人被案者逸出奏廷陳不法事收捕繫獄削籍歸
世宗踐阼前直諫被謫者悉復官獨廷陳以墨吏議
不與屏居二十餘年嗜酒縱倡樂益自放廢士大夫
造謂多蓬髮赤足不具賓主禮時衣紅紫窄袖衫騎
牛跨馬嘯歌田野間嘉靖十八年詔修承天大志巡
撫顧璘以廷陳及顏木王格薦書成不稱旨但賜銀
幣廷陳才高詩文有名當世難為人放誕然一時才

士鮮能過之有夢澤集十七卷

顏木字維喬應山人廷陳同年進士歷知許亳二州亦以州民訴奏下獄免官任誕自放亦類廷陳兩人聞之交相得也有故人為監司訪木于家匿不見他日監司有事隣邑有田父荷隻雞斗酒由中道入門者呵之乃木也與監司歡飲而去其才不如廷陳名亦亞之

王格字汝化京山人嘉靖五年進士改庶吉士累官河南僉事分巡河北世宗南巡行宮火逮杖削籍先是唐順之屠應城革倡為初唐詩格亦與馬龍官時

年才強仕後得養生術年九十四而卒

胡繼宗字孝思秦安人也正德三年舉進士為三甲
第一人時焦芳子黃中居二甲首欲用為翰林因并
授繼宗簡討芳敗謫嘉定州判官量移潼川知州三
遷為安慶知府值寧王宸濠圍城後瘡夷未起有綏
輯勞嘉靖初調蘇州政事修舉繼宗素豪于詩以其
暇與諸名士觴咏游賞徧湖山泉石間才敏風流前
後罕儔歷山東浙江山西泰政河南左右布政使十
五年冬以右副都御史巡撫山東奏言青登萊三郡
間有元時新河南北距海三百餘里舟楫往來輿販

貿易民甚便之。比歲淤塞不通，商農交困。其建閘處遺跡猶存，惟馬家濠中多頑石，乃元人疏鑿未竟者。今已募民鑿通，尚有停口窩鋪淺隘者一百餘里，淤塞者三十里。乞發官帑開濬，永為民利。從之。尋以故官經理河道言：河南睢州考城縣新開孫家口、孫祿口、黃河支流一以分殺上源，歸睢水患；一以灌下流。徐呂二洪用濟官漕，議于孫家口至孫祿口，別築長堤而于考城馬牧集諸處修堵決口，務築高廣堅實，密栽榆柳護之。河身既寬，土堤亦實，大水渙發，勢能容受，可免衝決散漫之虞。而黃河安流，二洪順軌運。

道庶乎無患帝亦從之十八年車駕南巡迎于磁州
會河南巡撫易讚坐供頓不辦獲罪即命縉宗代之
其冬以所居公署火并燬符驗勅書落職閒住至二
十九年乃有王聯之獄聯河間人初為陽武知縣縉
宗令供役行殿不辦怒笞之旋為御史陶欽護以贓
罪劾罷居鄉武斷且毆辱其父良良告之御史閻鄰
論死久之良告息詞保候間聯又坐殺人仍論死縉
獄聯百方求脫不得以是憾其先後御史胡植馮璋
張洽等至是刺知帝喜告訐謀有以動宸聽為脫罪
地乃摺撫縉宗迎駕詩有穆天八駿空飛電湘竹英
皇淡不磨句為不祥詛謗且言屬之刊布聯不奉令

遂假手欽夔劾之鄒植等慮聯以纘宗詩聞乃相率
羅織抵伊重辟其詞多誕謾意所不悅咸構入之若
都御史劉陽叅政朱鴻漸前知府項喬貴應春推官
蔣珊知縣郭咸休田甸高儒給事中鮑道明苑馬少
卿袁淮等無慮百十人令其子朝策當昨歲冬至日
詐充常朝官闌入闕門于班中聲寃帝得疏大怒趣
命錦衣分遣官校械繫纘宗等至京下三法司會訊
聯詞悉誣纘宗詩皆稱頌非詛謗乃讞上其獄聯仍
坐殺人罪朝策假官當斬纘宗等悉赦勿治疏入帝

不悅曰聯孔門之徒何不忠不孝至是纘宗令人刊
詩財力非民出而何且疏內欽愛一人稱俱任何也
于是刑部尚書劉訥等具疏引罪帝曰爾等迷于庇
獲纘宗詩既曰稱頌何又有淚不磨語縉疏亦不經
心是人臣禮耶禮部都察院叅者以聞是時帝意且
不測內閣嚴嵩真人陶仲文申救怒少解及部院疏
入手批之曰訥等急于市恩全不以執法為事稱頌
之體固如此耶訥斥為民三法司堂官奪俸半歲司
官下鎮撫考訊纘宗錦衣杖四十為民餘皆獲宥當
是時纘宗年將八十矣其意氣象邁如故在繫日取

獄中鈎械之類作制獄八景詩衆爭掣其筆笑曰作詩當死不作詩得免死耶及杖訖布衣謝榛贈以詩方呻吟中即口占以答人謂其豪氣不減予膽被禍時也所著有春秋本義十二卷詩集十九卷安慶翠昌秦州秦安諸志九十餘卷

李濂字川父祥符人舉正德八年鄉試第一明年成進士授沔陽知州稍遷寧波府同知擢山西按察僉事嘉靖五年以大計免歸年纔三十有八濂少負俊才時從俠少年聯騎出城搏獸射雉縱游郊原酒酣悲歌慨然慕信陵君侯生之為人一日作理情賦反

人左國璣持以示李夢陽夢陽大嗟賞訪之吹臺瀛
自此聲馳河雒間既罷歸益肆力于學遂以古文明
于時初難受知夢陽後悟其剽竊之非作詩不屑雷
同附和深為識者所訐里居四十餘年著述甚富有
爲渚集一百卷及汴京遺蹟志行世其後有陳耀文
者字晦伯嘉靖二十九年進士歷工科給事中終陝
西行太僕卿好古無所不覽明中葉推博學者無過
新都楊慎耀文摭其謬誤作正楊以駁之人服其
淹洽所輯有天中記數百卷

蔡羽字九達吳縣人幼孤母授之書輒能領悟長遂

淹貫百家善詩古文吳自吳寬王鏊以文章宗匠領
袖海內一時名士若沈周祝允明楊循吉唐寅徐禎
卿都穆與之並馳吳下文風斯為極盛朋及文徵明
黃省曾袁宏王寵陸師道皇甫冲兄弟稍後出才力
亦足相頡頏而朋自負甚高譏彈往詰無全者雖頗
推許徵明輩竊自謂莫已若也晚年詩益進有鑒以
李長吉者大詫曰吾詩求出魏晉上乃為李賀耶其
高自位置若此初為舉子業遂于易潦倒場屋四十
年晚以國子生赴選典選者雅知其名曰此吾少時
所聞善易蔡生耶特授南京翰林院孔目居二年致

仕歸家居洞庭西山自號林屋山人有林屋南館二
集姊子徐鱗字紹卿家世素封至父盡破其產鱗早
孤依朋以居詩文得其指授長跌宕不羈嗜酒好狹
游興黃省曹皇甫汈兄弟善相切磨為詩晚節落魄
前所與交者皆沒又與劉鳳張獻翼黃姬水德水善
其詩老而益工有集行世

文徵明初名璧以字行更字徵仲長洲人父林叔父
森皆舉進士林仕至温州知府森右僉都御史林治
温州有善政既卒囊無餘貲吏民醵千金為賻徵明
時年十六悉却不納乃修故却金亭以配前守何文

淵而記其事徵明幼不甚慧稍長穎異挺發學文于
吳寬學書于李應禎學畫于沈周皆父故交也又與
祝允明唐寅徐禎卿輩相切劘名日益著其為人和
而介巡撫俞諫叔父森同年生也念徵明貧欲遺之
金謂曰若不憂朝夕耶對曰朝夕饘粥固具也諫故
指所衣藍衫謂曰敝至此耶徵明佯為不喻者曰適
遭雨故敝耳諫竟不敢言遺金事寧王宸濠慕其名
貽書幣聘之固辭病亟堅卧不起正德末尚書李充
嗣來巡撫薦之朝會徵明亦以歲貢生詣都吏部試
而才之奏授翰林院待詔世宗初預修武宗實錄侍

經筵歲時頒賜與諸詞臣齒而是時名崇科目無有
他途入翰林者故徵明意不自得連歲乞歸永嘉張
璵者林知溫州所造士也時方得勢諷徵明王之辭
不就楊一清召入輔政徵明見獨後一清亟謂曰子
不知乃翁與我友耶乃後見我徵明正色曰先君棄
不肖三十餘年苟以一字及者弗敢忘也實不知相
公與先君子友也一清有慚色尋與總謀欲從徵明
官徵明乞歸益力乃獲致仕四方乞詩文及書畫者
接踵于道然惟書生故人子弟有求輒應若富貴人
難片楮不易得也尤不肯與王府及中人染翰曰此

法所禁也周徽諸王嘗以古寶玩為贈不啓封而還
之外國使者道吳門望里肅拜以不獲見為恨海內
文士無不知吳中有文衡山者其文筆幾流通天下
然多門下士屬作微明知亦不禁也優游林泉主風
雅享盛名者三十餘年年九十而卒嘉靖三十八年
也長子彭字壽承國子博士次子嘉字休承和州學
正並能詩工書畫篆刻世其家女嫁王氏亦能詩門
人周天球字公瑕亦長洲人為諸生篤志古學善大
小篆隸行草微明賞異之微明沒一時豐碑巨碣多
出其手隆慶中游京師譙集倡酬之作名下詞客皆

為讓坐而詩名頗為書法所掩云

王寵字履吉吳縣人少與其兄守從學于邑人蔡羽居林屋者三年既而讀書石湖之上二十年非省侍不入城府善病樓息虞山之白鶴寺者又累年守舉進士仕通顯而寵猶滯諸生晚以年資貢入國學僅四十而卒寵性資穎拔善行楷妙得晉法書無所不觀羊儀王立口無俗言其風度汪洋人假之東漢黃憲初受知郡守胡績宗有以千金求請屬者拒不納父怒尤之則跪謝曰人所謂重寵者能自好耳倘以自汙毋乃見輕乎與唐寅文徵明最善寅以女妻其

予徵明長二十四歲折行策與交晚年王雅宜之名
滿天下卒不一遇亦自有幽憤不平之感頗縱于酒
然其兄歷官副都御史撫治鄖陽而其名頗出寵下
論者固不以祿位為軒輊云